

雲飛泉

福建叢書

星祥

沈景

第二輯之二

福建省文史研究館編

抑快軒文集

(三)



福建叢書第二輯之二

福建省文史研究館編

清·高澍然

抑
快
軒
文
集

(三)

江蘇廣陵古籍刻印社

抑快軒文集

江蘇廣陵古籍刻印社出版發行

(揚州市鳳凰橋街 24-6 號)

金壇市古籍精裝印務有限公司印刷

開本:850×1168 1/32

印張:54.75

1998 年 12 月第一版 1998 年 12 月第一次印刷

印數:001-400 冊

定價:250.00 圓

SGBH 7-60101-297-3/K·22

抑快軒文集 編卷四十一

跋

光澤高澍然雨農

太傅蔡文勤公墨跡手卷跋

右太傅蔡文勤公答門人寧化雷憲副鈞手札三首憲副同里

吳進士賢湘綴為長卷致時賢題跋藏於家已而以歸澍然其

翰墨足寶貴矣而論學尤切實有味也往時澍然讀公傳極服

膺公之罷庶常時新制庶常假踰限者停職而公於限前實丁

父憂得自陳請復公竟浩然而歸及與修三禮成當得議叙復

請於舉主不列名舉子蓋李文貞公也其澹於仕進如此足以

有其上

跋

一

信公立行之有其本矣

憲廟嗣位首起公不數年躋卿貳括退者昌嘗不遇歟公君臣
相遇之隆邁於往古矣今讀其遺札又想見公師弟之美焉而
憲副卒為名臣可謂不負師門也

陰氏家藏撰著先德手卷跋

寧化陰君青原珍藏其先世雷孺人壽序墓誌銘草為李元仲
黎槐曾二先生之筆並載孺人捐金理枉事云邑有子訟父而
理官直其子者孺人贊諸生控大府乃得反正嗚呼當明季王
政不綱尊卑失序至於某理官之為可謂極矣而天地正直之
氣蓋無一日息於人心上失之而下得之男子之所難能而為
女子所間有焉如孺人殆無愧烈丈夫之為哉方墨吏肆盡時
諸生首義者幾不自脫得孺人之助而墨敗枉申士成其義則
是卷豈以名人筆墨重與抑名人將託是存其筆墨矣今伊太
守默菴吳教授清夫復題跋其卷尾諸君子固樂道人善者亦

撫人足感邑人於久而遺思不忘尤在子孫也今青原郡是卷
屬題於余余雖不文而善善之思宜得從諸君子後元仲黥菴
清夫皆字化人愧曾亦同郡而余邵武光澤高潯然也

周觀察武當紀遊二十四圖跋

右武當紀遊二十四圖周觀察芸皋先生守襄陽時為祛民惑
有是遊歟得異景不欲秘其奇因而圖之也一日出示余且命
題余未至武當亦不解畫理然如置身璇宮貝闕口不能言而
心亟好之殆動於神其天隨之不必定解人邪已念明世宗體
成祖崇北方元武以裕王氣之源糜百萬金錢加治殿宇置提
舉太和山諸使冀廣孝思也然民之惑滋甚閱數百年未已至
今日有託靈官鞭殺數百人以神之者先生聞而遽治靈官訛
言稍息然終謂先生以忤靈官不敢履是山也是先生之遊先
生之教也嗟乎同一武當世宗思廣孝而滋民惑先生得勝遊

而興民教得失之故名實之辨亦可以憬然悟矣

草草園得句圖跋

泐然往奉芸臬觀察命撰其尊人讓谿先生傳仰先生世有隱
德為善而不近名真古之闡行人也已觀察出先生草草園得
句圖屬泐然題淵然道氣若親更其慈焉圖後附先生詩三十
六首觀察謂先人垂沒自焚其稿此得諸別管者則先生行不
求世名益信矣夫詩古文之作唯無心於名者乃能垂世而行
遠其真精無耗焉耳而此三十六首皆一言一句想見襟期一
感一觸默契造化陶然天放拾取皆真蓋白氏香山集之遺也
白氏於唐為大宗存詩二千餘首而先生以三十六首約其
神態即謂是圖如白氏行詩圖可也禮有以少為貴者以其內

心也何必多哉觀察悲先人素業無存傳搜求灰燼之餘使吉
光片羽長在人間不能掩蝕而晦之與先生不求人知固各行
其是也雖是國僅藏於家然視白氏寄集於僧院又轉為白氏
悲而慶先生之有子也

怡亭先生文集跋代

先師張怡亭先生館定掄從父秀亭府君家前後十五年教
氏學者皆先生弟子而定掄年較長侍先生最久能言先生為
人私謂韓子稱陽亢宗人薰其得德而善良如先生殆近之也
先生率性而行未嘗稍立異而與之處則躁者靜悍者平薄者
厚肆者約雖其往不可知當晉接先生時則可知也蓋定論掄
於儕輩中最異頑難化驗諸侍先生時猶然以是知他人宜無
不然也讀先生詩文豈異是哉先生詩文高格奧旨非定掄所
能知而讀之移人如前所陳亦以其身驗之而得也今先生卒
矣更欲如前侍先生不可得矣然詩文尚在人間詩已刻於光

跋

五

貝村山井

澤文猶未刻亟收拾鈐諸版而言其所知者如此讀先生文者
其於定論之言果信即先生為人亦想見之焉

明黃忠端公獄中手書孝經跋

德化賴生其瑛得明黃忠端公墨跡於安溪李氏蓋思陵時公
逮詔獄手書孝經百二十本之一也生既跋以別紙珍藏之復
屬泐然作而泐然未之見也何從遇賞心贊一辭哉然即所書
而得公心於經所謂資於事父以事君而敬同者公實蹈之焉
用是自言所得亦不心親見其本矣敬皆守其性而不移也方
公繫刑部九鞠四拷天下冤之唯公成性存存不少移高厚生
成之戴敬君如敬親焉其書多至百二十本尊親之念與時並
臻即與時相守僅以為推孝作忠託經見意未為能得公心也
抑宋文信國與公同以孤忠收一朝之局而在獄集杜諸詩成

編視公書孝經何一敬而一樂歟蓋是時國破君亡統身孤寄
效忠空位鼎鑊是甘宜灑然散拘也即如公抗節我
朝臨刑猶作楷書完宿諾幅未竟書擘窠足之其從容暇豫豈
異信國哉然思陵時以負罪思愆之身亦樂其所樂得毋漢視
其君并忘身為親之身乎公之所必不出也夫同一公書其樂
如彼其敬如此即所以書以跡公心其君親之念足於性不易
所守百世猶將見之也况生親見之哉而彼百一十九本皆其
存毀不知何如矣

龍頭巖三字石刻跋

右宋廖懷英先生書其字廣徑周三尺凝重樸逸得鍾遺意宋
刻之可貴者也先生順昌人淳祐間知建寧縣有遺愛于孫留
家焉今五百年矣為縣著姓而初祖文雅風流歷世遠無能道
者是刻在順昌水南龍頭巖通建寧孔道題款久漶過者不知
為先生筆也道光七年先生裔孫建寧學生定掄館先生順昌
數遊巖下愛是刻帳不得姓名各工刷漶字見愕且喜曰嘻
吾祖也乃揭而藏之一日出視余屬題題夫款漶不知何歲而
歷五百年發之於裔孫若有待而默啟者然亦異矣哉十三年
仲秋光澤高澍然跋

